

Walburgæ Herifienfis Antistitis primæ Sanctitas.
Vita D.
Remb. c. 15.

tæ integritate imitata Walburgis, pulcherrimum sese sanctimoniam exemplum dedit; cuius rei primò testimonium poterimus sumere ex auctore vitæ D. Remberti, tum ex ipsius D. Remberti epistola. Ac scriptor vitæ ita refert: *D. Rembertus epistolas nonnullas ædificationis plenas ad diversos composuit, quarum una est ad quandam Dei ancillam in monasterio, quod dicitur Herisi, constitutam, ceterasque sorores ibidem in Dei famulatu consistentes. Hæc autem famula Dei, de qua loquimur, neptis erat Venerabilis Episcopi Luithardi, cuius supra mentionem fecimus, qui se sancto viro cum omni devotionis affectu ita devinxerat, ut non solum ipse sanctitatis ejus amator existeret, verum etiam omnes ad se quoquo modo pertinentes illi commendare studuerit, præcipue istam, de qua loquimur, ab infantia Deo oblatam, et in virginitate permanentem neptem suam, quæ et propriâ devotione meruit ut unicam dilectionis suæ filiam vir sanctus eam nominare solitus sit.* Quantum hic auctor & Luithardum, & neptem à sanctitate commendat? quæ tamen non neptis, sed ipsa soror Luithardi, & Virginum antistes erat reputanda; quemadmodum in diplomatis allatis Luithardi soror asseritur. Ipsam verò D. Remberti epistolam, ad Walburgam & Virgines ejus sanctæ congregationis, plenam divino Spiritu recitat auctor vitæ ejus. Alterum sanctimoniam testimonium ex sepulchri inscriptione producimus, quod ejusmodi hodie legitur.

HIC VENERANDA JACET WALBURG,
QVÆ MENTE VIRILI

*HOC ET STRUXIT ET *HOC REXIT PRIMA
MONASTERIUM

SUBJECTIS VITÆ TRIBUENS EXEMPLA BEATÆ
ECCLESIAE CUNCTAS AMPLIFICAVIT OPES.
NUNC TE CHRISTE PIUM VIDEAT, QVEM
SEMPER AMAVIT
UT DEXTRIS ILLAM CONSOCIES
OVIBUS.

IIII NON. MART. OBIIT.

De anno obitus, quem adscriptum non invenio, parum, ut in alijs, solliciti veteres. Sepulchrum ceteris erectius è terra hodiedum aspicitur in adfite Ecclesiæ Sacello. Multis exinde Sanctorum lipsanis, seu regio dono, seu Episcoporum procuratione, exornatum Herifienfe Collegium; inter quæ D. Saturninæ & Fortunatæ Virginum ossa duobus fastigiatis & inauratis tumulis inclusa, expositaque ad cultum populi, & patrocinium loci eminent. Id quod testantur apud nos monumenta Bustorffiana, in notis ad Bedæ Martyrologium adscriptis,